

Vaksen kont COVID-19 ak Alètman



M ap planifye pou mwen bay tibebe mwen an tete – èske mwen kapab pran vaksen an? Èske li san danje?

- Wi, yo rekòmande vaksinasyon kont COVID-19 la pou moun k ap bay tete epi li san danje.
- Done yo montre ke vaksen kont COVID-19 yo san danje, epi risk pou vin malad grav oswa pou mouri akoz COVID-19 se yon gwo reyalite.
- Vaksen kont COVID-19 yo kreye yon repons iminitè men yo pa repwodwi andedan kò ou.
- Moun k ap bay tete ki pran vaksen an genyen antikò nan lèt yo, sa ki kapab ede pwoteje tibebe yo a.
- Plis gen moun k ap bay tete k ap resevwa vaksen, se plis ap gen done ki pral disponib sou benefis/risk yo. Pale avèk pwofesyonèl swen obstetrik oswa pedyatrik ou a.
- Ou kapab genyen aksè ak yon rejis vaksinasyon ki rekeyi enfòmasyon sou alètman ak Vaksen kont COVID-19 la sou <https://vsafe.cdc.gov/en/>



Mwen te resevwa premye dòz vaksen mwen yo – èske mwen ta dwe pran piki rapèl la si m ap bay tete?

- Wi, li rekòmande pou moun ki nan sis semèn apre akouchman resevwa piki rapèl la lè yo kalifye pou sa pou ede diminye risk eksposizyon, ogmante iminitè yo fas ak COVID-19 epi petèt pou founi iminitè adisyonèl bay tibebe yo a.



Ki efè segondè posib ki genyen?

- Se pa tout moun k ap genyen efè segondè.
- Efè segondè posib yo ka se doulè, woujè, enflamasyon nan zòn piki a; fatig, maltèt, doulè nan misk, frison, lafyèv, noze.



Èske vaksen an pral diminye kantite lèt mwen an?

- Non, diminisyon kantite lèt pa yon rezulta yo espere jwenn apre vaksinasyon an.
- Anjeneral, pwoblèm yo komen kit ou pran kit ou pa pran vaksen an. Kontakte konsiltan oswa konseye alètman w lan pou ti konsèy sou kijan pou mentni pwodiksyon lèt ou a.



Èske mwen kapab toujou bay tete si mwen gen efè segondè akoz vaksen an?

- Wi, ou kapab.
- Lè w kontinye bay tete pandan ou genyen efè segondè vaksen an, sa ka pèmèt ou transfere iminitè a.
- Rete idrate epi sèvi sèlman avèk medikaman pou soulaje sentòm ki san danje pou moun k ap bay tete.
- Aktyèlman, pa genyen okenn done konsènan enpak sou sante tibebe k ap pran tete alòske manman yo te vaksinen. Sepandan, nenpòt vaksen ki rive nan lèt tete a genyen chans pou li dezaktivite byen rapid lè tibebe a dijere lèt la.




Èske tibebe a pran vaksen an atravè lèt tete a (iminitè transfere)?

- Pa gen twòp chans pou vaksen an transfere nan lèt tete a, men antikò kò ou kreye apre ou pran vaksen an gen dwa transfere nan lèt la epi se nan enterè tibebe a.



Èske lè mwen pran vaksen an sa kapab ban mwen virus la?

- Non, li pa genyen okenn virus vivan ladan ki lakoz COVID-19.



Èske li efikas?

- Wi, vaksen kont COVID-19 yo diminye gravite virus la oswa sentòm yo si ou ekspoze ak virus la.
- Ou pral bezwen pran tout dòz ou a (yo) pou li efikas konplètman.
- Ou gen dwa resevwa vaksen kont COVID-19 la nan menm jou a oswa kèk jou apre ou resevwa lòt vaksen.

Eskane kòd QR la pou jwenn yon sit vaksinasyon toupre w la.



Sonje pou rete an sekirite epi swiv rekòmandasyon lokal yo!

Enfòmasyon yo pa sispann chanje – yo egzak nan dat publikasyon an. Pou enfòmasyon ki ajou, ale sou sit entènèt Sant pou Kontwòl ak Prevansyon Maladi (Centers for Disease Control and Prevention, CDC) yo epi pale avèk pwofesyonèl swen sante w la:

<https://www.cdc.gov/coronavirus/2019-ncov/vaccines/recommendations/pregnancy.html>

Pou gwosès, gade grafik enfòmasyon sa a.

